



**DOKUMENT ANGAZHIMI NË LUFTËN DHE PARANDALIMIN
E FENOMENIT TË HAKMARRJES DHE TË GJAKMARRJES
DHE NË PROMOVIMIN E NJË KULTURE PAQEJE DHE PAJTIMI**



**DOKUMENT ANGAZHIMI NË LUFTËN DHE PARANDALIMIN
E FENOMENIT TË HAKMARRJES DHE TË GJAKMARRJES
DHE NË PROMOVIMIN E NJË KULTURE PAQEJE DHE TË PAJTIMIT**

Me qëllim të:

- realizojmë një veprimtari të përbashkët dhe të koordinojmë përpjekjet në luftën kundër fenomenit të hakmarrjes dhe të gjakmarrjes dhe të pasojave të tij në të gjithë territorin e Shqipërisë;
- mbrojmë dhe të garantojmë të drejtën themelore kushtetuese më të rëndësishme të njeriut, atë të jetës, si edhe të promovojmë një kulturë paqeje dhe të pajtimit;

me anë të këtij dokumenti, kërkohet angazhimi për bashkëpunim me:

zyrën e Avokatit të Popullit, Prefekturën, Qarkun, Prokurorinë e Rrethit Gjyqësor, Drejtorinë e Policisë së Qarkut, Drejtorinë Arsimore Rajonale, Drejtorinë e Shërbimit Social, Drejtorinë e Shërbimit Shëndetësor, Gjykatën e Rrethit Gjyqësor, Gjykatën e Apelit, Përfaqësuesit e besimeve fetare, shoqërinë civile dhe shoqatat

me qëllim që nëpërmjet ripërtëritjes së angazhimit në luftën kundër fenomenit dhe ripërtëritjes së bashkëpunimit me institucionet e ndryshme të bëhet:

- a. evidentimi dhe regjistrimi i të gjitha vrasjeve me motiv gjakmarrjeje dhe hakmarrjeje të ndodhura pas vitit 1990; evidentimi i familjeve dhe i personave të ngjuar për shkak të gjakmarrjes, sipas gjinisë dhe grup moshave (meshkuj, femra, të mitur), i anëtarëve të familjeve rivale në hasmëri, si edhe një pasqyrë të zhvillimit të konfliktit;

me qëllim që të rritet bashkëpunimi në drejtim të forcimit të zbatimit të legjislacionit penal lidhur me:

- b. zbulimin dhe intensifikimin e përpjekjeve për kapjen dhe dënimin e autorëve të vrasjeve për gjakmarrje dhe hakmarrje, që janë larguar në drejtim të paditur, si edhe gjetjen dhe kapjen e autorëve të dënuar me burgim në mungesë;
- c. kapjen dhe dënimin e autorëve të veprave penale të “vrasjes për gjakmarrje”, parashikuar nga neni 78/a i Kodit Penal;
- d. identifikimin dhe administrimin e kallëzimeve të familjeve dhe personave të ngjuar për shkak të “kanosjes serioze për t’u mbyllur në shtëpi”, parashikuar nga neni 83/a i Kodit Penal, si edhe ndjekjen penale dhe dënimin e autorëve të tyre;
- e. identifikimin, ndjekjen penale dhe dënimin e autorëve të veprës penale të “nxitjes për gjakmarrje”, parashikuar nga neni 83/b i Kodit Penal;

me qëllim që të respektojmë, të mbrojmë dhe të garantojmë të drejtat kushtetuese themelore të personave të ngjuar:

- f. evidentimin e fëmijëve të ngjuar dhe që kanë ndërprerë procesin mësimor për shkak të gjakmarrjes;



DOKUMENT ANGAZHIMI NË LUFTËN DHE PARANDALIMIN E FENOMENIT TË HAKMARRJES DHE TË GJAKMARRJES DHE NË PROMOVIMIN E NJË KULTURE PAQEJE DHE PAJTIMI



- g. evidentimin e familjeve të ngjuara me të ardhura ekonomike të pamjaftueshme të cilat kanë nevojë për ndihmë ekonomike;
- h. evidentimin e personave të ngjuar nga gjakmarrja të cilët kanë nevojë për shërbim shëndetësor në shtëpi sipas paketës bazë të Kujdesit Shëndetësor Parësor, që çdo qendër shëndetësore nëpërmjet mjekut të familjes u ofron pacientëve që janë regjistruar pranë saj;

për sensibilizimin e shoqërisë civile dhe të institucioneve mbi temën e pajtimit:

- i. evidentimin e nevojave për trajnimin e mësuesve të zonave, në veçanti ku është e përhapur gjakmarrja, dhe futjen e programave për të krijuar një kulturë paqeje dhe pajtimi;
- j. ndërmarrjen e nismave të përbashkëta për propozime në kuadër të përmirësimit dhe të ndryshimit të legjislacionit në fuqi me fokus gjakmarrjen dhe hakmarrjen në përputhje me Kushtetutën e Republikës së Shqipërisë dhe Konventat e ratifikuara nga Shteti shqiptar në fushën e mbrojtjes dhe të respektimit të të drejtave themelore të njeriut;
- k. marrjen e iniciativave të përbashkëta për të bërë rekomandime e propozime organeve publike për zbatim të nenit 7 të ligjit nr. 9389, datë 04.05.2005 “Për krijimin dhe funksionimin e Këshillit Koordinues në luftën kundër gjakmarrjes” dhe përgatitjen e miratimit e akteve nënligjore në bazë e për zbatim të tij;
- l. shkëmbimin e rregullt të informacionit nëpërmjet organizimit të takimeve periodike, shkëmbimit të informacionit, vizitave të përbashkëta në terren, njoftimeve reciproke për raste të ndryshme që kanë nevojë për ndërhyrje dhe mbështetje;
- m. organizimin e aktiviteteve të përbashkëta ndërgjegjësuese periodike në nivel qarku, përfshirë edhe organizimin e fushatave të përbashkëta për ndërgjegjësimin e publikut.



Eventi 2016 “Të lidhim besën për... pajtim!”

Një event për tre qytete:

Pajtimi realizohet së bashku!

3 qytete, 3 data, 3 ditë: 1 Pajtim

në bashkëpunim me Zyrën e Avokatit të Popullit

